

編號：138  
筆畫：5  
篇名：左忠毅公軼事  
作者：方苞  
出處：《望溪文集》；中學中國語文課程綱要（1990）建議採用  
寫作年份：清代  
文白語體：文言文  
字數篇幅：約 600 字  
表達方式：記敘

結構層次：

第一大段：寫左光斗選拔人才，錄取史可法。（第 1 自然段）

第二大段：寫左光斗在獄中忍受酷刑，把國家大事寄託在史可法身上。（第 2 至 3 自然段）

第三大段：寫史可法不違師教，勤謹治軍。（第 4 自然段）

第四大段：簡述史可法敬事太公、太母、師母的情況。（第 5 自然段）

第五大段：補說軼事的由來，說明所記內容確鑿可信。（第 6 自然段）

篇章主旨：

本文主要記敘左斗賞識、提拔史可法的經過，以及他在獄中剛正堅強的性格，也寫了史可法的一些事情，以說明左光斗對史可法的深遠影響。

附：原文

138

## 左忠毅公軼事

方 苞

1 先君子嘗言：鄉先輩左忠毅公視學京畿。一日，風雪嚴寒，從數騎出，微行入古寺。廡下一生伏案臥，文方成草。公閱畢，即解貂覆生，爲掩戶。叩之寺僧，則史公可法也。及試，吏呼名至史公，公瞿然注視，呈卷，即面署第一。召入，使拜夫人，曰：「吾諸兒碌碌，他日繼吾志事，惟此生耳！」

2 及左公下廠獄，史朝夕窺獄門外。逆闖防伺甚嚴，雖家僕不得近。久之，聞左公被炮烙，旦夕且死，持五十金，涕泣謀於禁卒，卒感焉。一日，使史更敝衣草屨，背筐，手長鑱，僞爲除不潔者，引入，微指左公處。則席地倚牆而坐，面額焦爛不可辨，左膝以下，筋骨盡脫矣。

3 史前跪，抱公膝而嗚咽。公辨其聲，而目不可開，乃奮臂以指撥眦，目光如炬，怒曰：「庸奴！此何地也？而汝來前！國家之事，糜爛至此，老夫已矣，汝復輕身而昧大義，天下事誰可支柱者！不速去，無俟姦人構陷，吾今即撲殺汝！」因摸地上刑械，作投擊勢。史噤不敢發聲，趨而出。後常流涕述其事以語人曰：「吾師肺肝，皆鐵石所鑄造也。」

4 崇禎末，流賊張獻忠出沒蘄、黃、潛、桐間，史公以鳳廬道奉檄守禦。每有警，輒數月不就寢，使將士更休，而自坐幄幕外。擇健卒十人，令二人蹲踞而背倚之，漏鼓移則番代。每寒夜起立，振衣裳，甲上冰霜迸落，鏗然有聲。或勸以少休，公曰：「吾上恐負朝廷，下恐愧吾師也。」

5 史公治兵，往來桐城，必躬造左公第，候太公、太母起居，拜夫人於堂上。

6 余宗老塗山，左公甥也，與先君子善，謂獄中語乃親得之於史公云。